

**BIBLIOTHECA
CHIMICA.
SEU
CATALOGUS LIBRO-
RUM PHILOSOPHICORUM
HERMETICORUM**

IN QUO QUATUOR MILLIA
circiter, Authorum Chemicorum, vel de
transmutatione Metallorum, re Minerali, &
Arcanis, tam manuscriptorum, quàm in lu-
cem editorum, cum eorum editionibus,
usque ad annum 1653. Con-
tinentur.

Cum ejusdem Bibliothecæ Appendice,
& Corollario.

Authore
PETRO BORELLIO
Castrensi Medico Doctore.



HEIDELBERGÆ,
Ex Typographeio Samuelis Broun,
Bibliopolæ Anglici,
CIO IO CLVI.



NOBILISSIMO, AC
Eruditissimo Viro D.
D. CHRISTOPHORO
HATTONO,
Angliæ Pari, à Consiliis Sere-
nissimi magnæ Britanniae
Regis Caroli pri-
mi, &c.



*ON nobis solum, sed & universæ hominum societa-
ti nascimur, (meritissime ac eruditissime Domine,) qua-
re si quid in hac terrestri peregrinatione mihi Dei benedictio concessit, id publici Juris statim faciendum esse non dubitavi, hoc consilio, non ita pridem observationes meas candidè & sine fuce in lucem misi, in quibus multa ægris, naturæquè cognitioni valdè utilis conti-*

A 2 *nentur,*

EPISTOLA.

nentur, ut incognitis etiam auxilio esse possem; multa adhuc paravi, imò quæ cetatem meam superare, quorundam, eruditorum certè, sed fortasse nimis amicorum judicio videntur, ab sit jactantia dictis. Multi mihi hujusce rei testes oculati, in hac urbe mundi capite extant, laboris'q' mei circa animalium, plantarum, & mineralium historiam, aliaque de omni ferè scibili curioso, quæ enumerare tædiosum esset, ut meum, de vira & placitis Democriti opus absolutum taceam, in quibus nullo parcenti labori, innumerorum Authorum lectios ni incubui, ut hominibus prodesse possem in penetrandis obscurissimis veritatis involucris, eaque ab hoc profundissimo in quo delitescit puteo eruendâ; nil enim adhuc verè sciunt homines, titubant doctiorum mentes, & ad mortem usque ediscunt, majora adhuc ignota relinquentes, at interim, proh dolor, falsa innumera in scholis edocentur, quibus
adolescenc-

EPISTOLA.

adoleſcentum ingenia tanquam veneno pestifero adeo preoccupantur, ut meliora, tandem respuant. Vnius cujusque igitur est aliquid ad hanc veritatem detegendam conferre, ut nuda tandem ob oculos omnium proponatur. At multorum conatibus obstat res angusta domi, quod de me dicere non erubesco, quare non mediocriter timeo ne vigiliarum mearum fructus ideo sub pulverâ delitescant, ni mihi novus quidam exsurgat Mæcenas qui manum mihi porrigens, me in sublime rapiat, sed Deus Opt. Max decretum suum peraget, mihiſque voluisse ſufficiet.

Cum autem à te benigniter & humaniſſimè exceptus, ſemperque ingrati animi hoſtis acerrimus extiterim, meam hanc Bibliothecam Chemicam, tibi dicare non dubitari, licet huic ſcientiæ (quod ad tranſmutatoriam ejus partem attinet) operam nunquam dederis, alie

EPISTOLA

contentus, quae tot ad sanitatem optima profert, tutò, citò, & jucundè, morbos expellentia re media, ut fons eorum inexhaustus meritò dici possit, in qua verè asserere possum, te maximos, imò tantos fecisse progressus, ut doctioribus medicis anteponi merearis, sicque, doctrina ne, an nobilitate antecellas jure dubitari possit. Video equidem huius artis & veritatis hostes, opus istud meum despecturos, sed tuis fultus auspiciis & approbatione nil timebo nam

**Hæc quoque quæ facio iudex
mirabitur æquus,**

**Scriptaque cum venia qua-
liacunque leget.**

*Sat enim erit mihi veris placere
Philosophis ac Medicis, quorum unus
mihi pro populo est, ut dixit olim optimè
antiquus quidam Philosophus. Quidquid
fremant igitur, & allatrent mysochimi-
ci, spero tamem utile futurum, tum iis
qui*

EPISTOLA

*qui Bibliothecas instruere cupient, tum
qui Authorum quorundam opera ex-
quirent, cumque in eo præterea, arcano-
rum & mineralium libri indigentur:
libellum hunc igitur oculis percurrere
dignare, (vir erruditissime) meliora tibi
tanquam meritissimo viro parantur,
quæ tibi gratiora, & eruditorum rei-
publicæ utiliora erunt. Interim hunc
tanquam Sinceri animi, tibi que de vin-
ctissimi pignus accipe, Vale.*

Parisiis, Kal.
Januarii
1654.

Tibi addictissimus PE-
Trus BORELLUS
Medic. Castrensis.

P R Æ F A T I O ,

De hujusce libri utilitate.

NON parum sæpe miratus sum, homi-
nes, qui nullum ferè argumentum
in scriptis intactum reliquerunt, Bi-
bliothecam Chemicam non adhuc compo-
fuisse, quare amicorum suasionem motus huius
operam dedi, majoremq; Authorum nume-
rum quam mihi pollicitus eram nactus

A 4. sum,

sum, adhucque indies detego adeo ut spem , me tibi secundam partem hujus Bibliothecæ brevi daturum, ordineque meliori, ut pote chronologicè cumq; præcipuorum Authorum vitis compendiosis, semper enim Authores in posterum colligam, quare curiosos omnes huic operi manum admoventes obsecro ut mihi quæ in libro meo desiderantur communicare dignentur, suo enim, fi ita cupiant nomine honoris ergo prodibunt.

Usus autem hujus operis multiplex est, licet jam quosdam illud inutile futurum esse, obgannivisse, audiverim, in hoc C. Gesnero, Lycostheni, Simlero, Draudio, Verderio , Vignerio Antonidi Vanderlinden, Chesneo Paschali, immunerisque aliis Bibliothecarum similium contextoribus in Juriam facientes.

Primo enim utile erit , Chimicæ rei studiosis exquisitos enim rimatores nil latere debet quodq; in uno libro est diminutum, in alio est completum , sicque visuri sunt Authorum omnium consensum. Authorem autem, incognito eius nomine, à Bibliopoliis ut plurimum petere non possunt. Cumque Trevisanus olim opus suum exoptatum tar de librorum tantum penuria attigisse asseveret , non jam amplius artis illius inquisitores de hac re conqueri poterunt.

Secundo cum quis Authores qui de minerali

nerali quodam vel alio Chimico argumento ex professò disseruerunt pernoscere cupiet in hoc libello optata facilè reperiet, cum & juxta materias præcipuas & juxta nomina indicem Alphabeticè concinnaverim.

Tertio, si quis opera Omnia Authoris cujusdam sibi in deliciis præ cæteris habiti, scire exoptet cum ejus editionibus variis, hæc etiam in syllabo isto, ejus Appendice, & Corollario reperitur est.

Quarto, Bibliothecariis etiam utile erit opus nostrum, ad scrinia librorum, selectis & exquisitis libris oneranda.

Quinto, Bibliopoliis & éruditionem (cum hoc Catalogo, Chimicos libros iis incognitos cognituri sint) & lucrum afferet, emptorum enim numerum augebit, qui sæpe Authorum nominum penuria, vel editionis ignorantia libros vel non emunt, vel reperire nequeunt.

Sexto, magna hæc Philosophorum turba, veritatis Alchimicæ non mediocre erit argumentum, cumque Ventura, Majerus & alii, tercentorum Authorum nominatione gloriarentur , te nostri laboris judicem relinquo.

Septimo, Authoribus vitali fruentibus aura; vel eorum filiis, etiam gratissimum erit opus istud, cum operum suorum Elenchum in eo visuri sint, quo ubique terrarum eos huic rei operam navasse patebit.

Octavo, innumeri extant apud exteras

PRÆFATIO.

nationes viri qui Gallorum libros, innumerique in Gallia qui aliarum nationum libros extare non audiverunt, Catalogo autem nostro omnes omnibus innotescunt quorum editionis indice, eos à Bibliopolis emere poterunt ut opera sua exquisitè, nihilque omittentes perficere queant.

Nono, non solum sed Alchimix, sed & de se minerali & secretis Authorum, vel curiosis utile erit.

Decimo, si quis Authorum Chemicorum corpus, ut pote, Ægyptiorum Hebræorum, Arabum, Syrorum, Chaldæorum, Persarum, Græcorum, Gallorum, Germanorum, Helvetiorum Polonorum Anglorum, Italarum, Hispanorum, &c. vel Poëtarum, mulierum, &c. facere cupiat, ex eo omnium nomina acilè decerpere poterit : non inutile etiam illis erit qui Lullii opera omnia in lucem simul edere ut audio moliuntur, nec iis qui alterius philosophi idem facere instituet.

Si autem dicat aliquis, nil novi affers, hæc enim in aliis extant Bibliothecis amplissimis Gesneri, Draudii, &c. Respondeo, vigesimam Bibliothecæ meæ partem vix in iis contineri meque ab instructissimis curiosorum musæis Authorum nomina maxima cum sedulitate, qui ad annum usque 1653. extiterunt de prompsisse.

P E T R I